



ფითნები გულის წინაშე წარდგებიან, როგორც ღერწმის ხალიჩის რიგები, ერთიმეორის მიყოლებით

გადმოცემულია ჰუბაიფასგან (ალლაჰი იყოს მისით კმაყოფილი), რომ თქვა: ჩვენ ვიყავით უმართან ერთად (ალლაჰი იყოს მისით კმაყოფილი) და მან თქვა: "რომელმა თვენგანმა გაიგონა, ალლაჰის შუამავალი (ალლაჰის ლოცვა და მშვიდობა მას) როცა ის ახსენებდა ფითნებს (ცდუნებებს)". საზოგადოების ერთმა ნაწილმა თქვა: "ჩვენ გავიგონეთ მისგან", მან თქვა: "ალბათ თქვენ გულისხმობთ მამაკაცის განსაცდელს ოჯახში და მეზობლებთან?" თქვეს: "დიახ", თქვა: "მაგ ყველაფერს ლოცვა, მარხვა და მოწყალება გამოისყიდის, მაგრამ რომელმა თქვენგანმა გაიგონა შუამავალი (ალლაჰის ლოცვა და მშვიდობა მას) რომ ახსენებდა ისეთ განსაცდელს, რომელიც აბოთქრებული ზღვის ტალღებს ჰგავს?" ჰუბაიფამ თქვა: "გაჩუმდა ხალხი", მე ვთქვი: "მე", თქვა: "მოყევი, ალლაჰმა შეიწყალის მამაშენი", ჰუბაიფამ თქვა: "გავიგონე ალლაჰის შუამავალი (ალლაჰის ლოცვა და მშვიდობა მას) ამბობდა: «ფითნები გულის წინაშე წარდგებიან, როგორც ღერწმის ხალიჩის რიგები, ერთიმეორის მიყოლებით. ყოველი გული, რომელიც შეიწოვს ამ ფითნებს, დაიბეჭდება შავი ლაქით. ხოლო ყოველი გული, რომელიც მათ უარყოფს, დაიბეჭდება თეთრი ლაქით. ეს გაგრძელდება მანამ, სანამ გულები არ გაიყოფიან ორ ტიპად: ერთი — თეთრი, როგორიცაა გლუვი ქვა, რომელსაც ვერაფერი ავნებს, ვიდრე იარსებებს ცა და მიწა; მეორე — შავი, ნაცრისფერი ელფერი, გადაბრუნებული ჭურჭლის მსგავსად, რომელიც ვეღარ აღიქვამს სიკეთეს და არ უარყოფს ბოროტებას, გარდა იმ შემთხვევისა, როცა ის მის ვნებებს ემთხვევა». ჰუბაიფამ (ალლაჰი იყოს მისით კმაყოფილი) თქვა: "ვუამბე უმარს, რომ შენსა და ამ ფითნებს შორის არის დაკეტილი კარი, რომელიც მალე გატყდება." უმარმა (ალლაჰი იყოს მისით კმაყოფილი) ჰკითხა: "ასე ამბობ, რომ მას უბრალოდ გააღებენ?" "არა, მას სწორედ დაამსხვრევენ", — ვუპასუხე მე. და ავუხსენი, რომ ეს კარი ადამიანი იყო, რომელსაც ან მოკლავდნენ, ან გარდაიცვლებოდა. აბუ ხალიდმა დაამატა: „ვკითხე საადს: — ო, აბუ მალიქ, რას ნიშნავს 'შავი ნაცრისფერი ელფერი'?" მან მიპასუხა: — ეს არის შავი და თეთრი ფერის შეზავება. ვკითხე: — და რას ნიშნავს 'გადაბრუნებული ჭურჭელი'?" მან მიპასუხა: — ეს არის ჭურჭელი, რომელიც თავდაყირა დგას".

[სანდო (საჰიჰ)] [გადმოსცა მუსლიმმა]

მორწმუნეთა მმართველი უმარ იბნ ალ-ხატტაბი (ალლაჰი იყოს მისით კმაყოფილი) იმყოფებოდა ერთ-ერთ მეჯლისზე და მასთან ერთად იყო საჰაბების ერთი ჯგუფი (ალლაჰი იყოს მისით კმაყოფილი) და უთხრა მათ: «რომელმა თქვენგანმა გაიგონა შუამავალი (ალლაჰის ლოცვა და მშვიდობა მას), რომ ფითნებს (განსაცდელს) ახსენებდა?» ზოგიერთმა მათგანმა თქვა: «ჩვენ გავიგეთ როგორ ახსენებდა ის ფითნებს». უმარმა (ალლაჰის იყოს მისით კმაყოფილი) თქვა: «ალბათ თქვენ გულისხმობთ ადამიანის განსაცდელსა და გამოცდებს მის პირად ცხოვრებაში: ცოლ-შვილში, ოჯახის წევრების მიმართ, ვისთანაც ძალიან გადააჭარბა სიყვარულს, ან მათდამი ძუნწობას, ან ის მათით ზედმეტად დაკავებულია და ამან ბევრ სიკეთეზე ათქმევინა უარი, ან

უგულებელყო მათი უფლებების შესრულება, რომელიც გულისხმობს მათ აღზრდას და განათლებას, ასევე ადამიანის განსაცდელს თავისი მეზობლის მიმართ და მსგავსს, ალბათ ამას გულისხმობთ?» თქვეს: "დიახ", თქვა: «ეს განსაცდელი მოითხოვს პასუხისმგებლობას, მათგან არის ცოდვები, რომლებიც იმედი არის, რომ მათი გამოსასყიდი იქნება კეთილი საქმეები, როგორიც არის ლოცვა, მარხვა და მოწყალება». «მაგრამ რომელმა თქვენგანმა გაიგონა შუამავლისგან (ალლაჰის ლოცვა და მშვიდობა მას), სადაც ახსენებდა ზოგადად განსაცდელს, რომელიც იქნებოდა ძალიან დიდი და ძალიან გავრცელებული, რომელიც შეაზანზარებს ხალხს, როგორც აბოობქრებული ზღვის ტალღა?» გაჩუმდა ხალხი. ამ დროს კი ჰუბაიფა იბნ ალ-იამანიმ (ალლაჰი იყოს მათით კმაყოფილი) თქვა: «მე გავიგონე», გაუხარდა უმარს (ალლაჰი იყოს მისით კმაყოფილი), და უთხრა მას: «ყოჩაღ მამაშენს, შენაირი შვილის გაზრდისთვის»; ჰუბაიფამ თქვა: შუამავალმა (ალლაჰის ლოცვა და მშვიდობა მას) თქვა: გამოცდები (ფითნები) ჩნდება და აღწევს ადამიანის გულამდე, როგორც ხალიჩის ბოჭკოები ეხება სხეულს იმ ადამიანისას, ვინც მასზე წევს. ეს შედარება მიუთითებს ფითნების ძლიერ ზემოქმედებაზე გულზე. ეს ცდუნებები მეორდება და თანმიმდევრულად მოსდევს ერთმანეთს, ერთის შემდეგ მეორე. გულს, რომელშიც ეს ფითნები აღწევს, რომელიც მათ შეიყვარებს და შეიწოვს — ისე, როგორც სასმელი შეიწოვება — მიენიჭება შავი ლაქა. ხოლო გულს, რომელმაც ისინი უარყო, მიენიჭება თეთრი ლაქა. ამგვარად, გულები იყოფა ორ ტიპად: თეთრი გული — ეს არის გული, რომელიც მტკიცეა რწმენაში, სუფთაა ნაკლოვანებებისგან. ფითნები მას არ შეხებიან და არ მოუხდენია გავლენა მასზე, როგორც გლუვ ქვას, რომელსაც არაფერი ეწებება. ასეთ გულს არ ავნებს არცერთი ფითნა მანამ, სანამ ის არ წარსდგება ალლაჰის წინაშე. მეორე გული კი არის გული, რომლის ფერიც შეიცვალა შავად მრავალი განსაცდელის გამო, როგორც გადაყირავებული ან ამობრუნებული დოქი, რომელშიც არ გაჩერდება წყალი, ამის მსგავსია ის გულიც, მასში არ გაჩერდება არც სიკეთე და არც სიბრძნე, ის აღარ ცნობს სიკეთეს და გმობს ბოროტებას, გარდა იმისა, რაც მას უყვარს და რაც მის ვნებებს სურს. ჰუბაიფამ უთხრა უმარს: "ეს ფითნები შენს სიცოცხლეში არ დაიწყება. შენსა და ამ ფითნებს შორის არის დაკეტილი კარი, რომელიც მალე გატყდება". უმარმა ჰკითხა: "ნუთუ მას გატყენ? რომ გაეხსნათ, ალბათ, ისევ შეიძლებოდა მისი დახურვა". ჰუბაიფამ უპასუხა: "არა, მას სწორედ რომ გატყენ. და ეს კარი — ეს არის ადამიანი, რომელიც მოკლული იქნება ან მოკვდება". "და ის, რაც მე აღვნიშნე — ეს არის სარწმუნო და დადასტურებული ცნობები. ისინი არ არის აღებული წიგნის ხალხის წყაროებიდან და არც იმ ადამიანის მოსაზრებებს წარმოადგენს, რომელიც მხოლოდ საკუთარ აზრზე დაყრდნობით საუბრობს. ეს ცნობები მოდის მოციქულის (ალლაჰის ლოცვა და მშვიდობა მას) ჰადისიდან".

<https://sunnah.global/hadeeth/ka/show/66382>

النجاة الخيرية
ALNAJAT CHARITY

